

BOSNA I HERCEGOVINA
FEDERACIJA BOSNE I HERCEGOVINE
BOSANSKO - PODRINJSKI KANTON GORAŽDE
OPĆINSKI SUD U GORAŽDU
Broj: 045-0-Su-25-000 677-6
Goražde, 08.07.2025 godine

Na osnovu člana 31. Zakona o sudovima u FBiH („Službene novine Federaciji Bosne i Hercegovine“ broj: 38/05, 22/06, 63/10, 72/10, 7/13, 52/14 i 85/21) i na osnovu Zapisnika Komisije imenovane Rješenjem broj: 045-0-Su-25-000 638 od 11.06.2025. godine o prijemu, pregledu i vrednovanju ponuda broj: 045-0-Su-25-000 677-5, a u skladu sa članom 70. Zakona o javnim nabavkama u BiH („Sl. Glasnik BiH“ broj: 39/14, 59/22 i 50/24) predsjednica Općinskog suda u Goraždu donosi sljedeću:

O D L U K U

o izboru najpovoljnijeg ponuđača za nabavku radova „REKONSTRUKCIJA PRVOG SPRATA, SUDNICE I PROSTORIJE ZA ARHIV OPĆINSKOG SUDA U GORAŽDU“

Član 1.

Ovom Odlukom za najpovoljnijeg ponuđača za nabavku radova „REKONSTRUKCIJA PRVOG SPRATA, SUDNICE I PROSTORIJE ZA ARHIV OPĆINSKOG SUDA U GORAŽDU“ prihvata se ponuda broj: 47/25 od 30.06.2025.godine **koju je dostavio ponuđač:**

GORAŽDESTAN D.O.O. GORAŽDE.

Član 2.

Vrijednost ponude iz člana 1. Ove Odluke bez obračunatog PDV-a iznosi **50.284,04 KM.**

Vrijednost PDV-a 17 % iznosi **8.548,29 KM.**

Vrijednost ponude iz člana 1. Ove Odluke sa uračunatim PDV-om iznosi **58.832,33 KM.**

Član 3.

Sredstva za realizaciju poslova iz člana 2. Ove Odluke, obezbjedit će se iz budžeta Ugovornog organa – Općinski sud u Goraždu za 2025. godinu sa ekonomskog koda **821600 - Rekonstrukcija i investiciono održavanje.**

Član 4.

Po pravosnažnosti ove Odluke Ugovorni organ će odabranom ponuđaču ponuditi ugovor o izvođenju radova koji su bili predmet ovog postupka.

Član 5.

Ova Odluka stupa na snagu danom objave na Službenoj oglasnoj ploči Općinskog suda u Goraždu.

O b r a z l o ž e n j e

Po obavještenju o nabavci objavljenom na Portalu Javnih nabavki pod brojem: 32506-7-3-1-3-2/25 od dana 19.06.2025. godine za nabavku radova „REKONSTRUKCIJA PRVOG SPRATA, SUDNICE I PROSTORIJE ZA ARHIV OPĆINSKOG SUDA U GORAŽDU“ pristigle su ponude i to:

PRISTIGLE PONUDE

1. Podaci o ponuđaču

Ponuđač: GRADNJA SM D.O.O.

Sjedište ponuđača: Goražde

Ponuda dostavljena: dana 27.06.2025. godine

Vrijeme dostavljanja: 14,00 sati

Ponuda zaprimljena pod brojem: 045-0-Su-25-000 677-1

Broj ponude: 045-0-Su-25-000 677 od 19.06.2025.godine

Ukupna vrijednost ponude bez PDV-a: 51.064,00 KM

2. Podaci o ponuđaču

Ponuđač: LA VIE D.O.O.

Sjedište ponuđača: Novi Grad

Ponuda dostavljena: 30.06.2025. godine

Vrijeme dostavljanja: 09,30 sati

Ponuda zaprimljena pod brojem: 045-0-Su-25-000 677-2

Broj ponude: 2-6/25 od 26.06.2026.godine

Ukupna vrijednost ponude bez PDV-a: 50.008,70 KM.

3. Podaci o ponuđaču

Ponuđač: GORAŽDESTAN D.O.O.

Sjedište ponuđača: Goražde

Ponuda dostavljena: 30.06.2025. godine

Vrijeme dostavljanja: 11,41 sati

Ponuda zaprimljena pod brojem: 045-0-Su-25-000 677-3

Broj ponude: 47/25 od 30.06.2025.godine

Ukupna vrijednost ponude bez PDV-a: 50.284,04 KM.

Ispravne ponude:

Detaljnim pregledom prispjelih ponuda Komisija za provođenje postupka je utvrdila da je pristigla ponuda ponuđača GORAŽDESTAN D.O.O. GORAŽDE formalno ispravna i da sadrži

sve dokaze tražene tenderskom dokumentacijom, te je na osnovu te činjenice konstatovano da je ispravna i prihvatljiva ponuda:

1. broj ponude: 47/25 od dana 30.06.2025.godine koju je dostavio ponuđač GORAŽDESTAN D.O.O. GORAŽDE.

Nepravilne ponude:

Detaljnim pregledom prispjelih ponuda Komisija za provođenje postupka je utvrdila da pristigla ponuda ponuđača GRADNJA SM D.O.O. ne sadrži bilan stanja i bilans uspjeha za period tri poslednje finansijske godine sa iskazanim pozitivnim poslovanjem, jer je ovaj ponuđač dostavio Bilans uspjeha za period od 01.01.2022.godine do 31.12.2022.godine gdje je iskazano negativno poslovanje tj. ukupni rezultat poslovanja negativan. Dostavljena ponuda sadrži bilanse stanja i bilanse uspjeha ovog ponuđača za posljednje tri finansijske godine, ali ne sadrži bilanse stanja i bilanse uspjeha za period tri poslednje finansijske godine (kopije) sa iskazanim pozitivnim poslovanjem kako je traženo tačkom 15.1, i 15.2, tenderske dokumentacije. Ovaj ponuđač nije dostavio Popunjen i potpisan nacrt ugovora koji je dat u Prilogu 8. TD, jer je kod dostavljenog nacrtu ugovora ovjerena pečatom ponuđača i parafirana posljednja stranica ugovora, dok preostale stranice nisu parafirane, što nije u skladu sa tačkom 18.2.4. tenderske dokumentacije.

Napomena: Kod ove ponude kao povjerljiva informacija na Obrascu za povjerljive informacije navedena je kao informacija koja je povjerljiva cijena ponude koja se u skladu sa tačkom 35.3 TD i članom 11. Zakona o javnim nabavkama ne može smatrati povjerljivom, pa ugovorni organ ove informacije nije smatrao povjerljivim, niti je iz tog razloga odbacio ponudu ovog ponuđača. Kod iskazane ukupne cijene sa popustom bez PDV-a ovog ponuđača ugovorni organ je utvrdio računsku grešku, ali ovog ponuđača nije pozivao na ispravku obzirom na ostale nepravilnosti kod dostavljene tenderske dokumentacije ovog ponuđača koje se naknadno ne mogu otkloniti. Kao rok važenja ponude ovaj ponuđač je naveo da njegova ponuda važi 30 dana računajući od isteka roka za podošenje ponuda, što nije u skladu sa tačkom 23.1. TD.

Detaljnim pregledom prispjelih ponuda Komisija za provođenje postupka je utvrdila da pristigla ponuda ponuđača LA VIE D.O.O. ne sadrži kopiju ponude. Ponuda je dostavljena u jednom štampanom originalu, bez jedne štampane kopije kako je traženo tačkom 8.4.1. TD. Ponuda ne sadrži sadržaj ponude u skladu sa formom koja je data u Prilogu 1 TD. Dostavljen je Obrazac za dostavljanje ponude koji je dat u Prilogu 2 ove TD, u kojem nije popunjena cijena. Ponuda ne sadrži odgovarajući dokument-dokaz koji izdaje banka ponuđača ili druga finansijska institucija (npr. Centralna banka BiH) u skladu sa pozitivnim propisima, a kojim se dokazuje da je transakcijski bankarski račun ponuđača aktivan (kopija), kao ni bilan stanja i bilans uspjeha za period tri poslednje finansijske godine sa iskazanim pozitivnim poslovanjem (kopije) u skladu sa tačkom 15.2 i 15.3 TD.

Detaljnim pregledom prispjelih ponuda Komisija za provođenje postupka je utvrdila da su pristigle ponude ponuđača GRADNJA SM D.O.O. i LA VIE D.O.O. formalno neispravne i da ne sadrže sve dokaze tražene tenderskom dokumentacijom, te se na osnovu te činjenice konstatuje da su nepravilne ponude:

1. broj ponude: 045-0-Su-25-000 677 od dana 19.06.2025.godine koju je dostavio ponuđač GRADNJA SM D.O.O.
2. broj ponude: 2-6/25 od 26.06.2026.godine koju je dostavio ponuđač LA VIE D.O.O. i člana 68. Zakona o javnim nabavkama Komisija za provođenje postupka je donijela:

ZAKLJUČAK

1.Odbacuje se kao nepravilna ponuda:broj ponude: 045-0-Su-25-000 677 od dana 19.06.2025.godine koju je dostavio ponuđač GRADNJA SM D.O.O.

2.Odbacuje se kao nepravilna ponuda:broj ponude: 2-6/25 od 26.06.2026.godine koju je dostavio ponuđač LA VIE D.O.O.

Obzirom da je detaljnim pregledom Komisija za provođenje postupka konstatovala da je samo jedna ponuda blagovremena, formalno ispravna i da sadrži sve elemente tražene u obavještenju o nabavci i tenderskoj dokumentaciji, ugovorni organ nije zakazao e-aukciju.

Kako je samo jedna zaprimljena ponuda formalno ispravna i prihvatljiva, Komisija je, konstatovala da je najpovoljniju ponudu dostavio ponuđač GORAŽDESTAN D.O.O. GORAŽDE sa ponuđenih 50.284,04 KM, te je donijela sljedeći:

ZAKLJUČAK:

Predlaže se Ugovornom organu da prihvati Ponudu broj: 47/25 od 30.06.2025.godine koju je dostavio ponuđač GORAŽDESTAN D.O.O. sa ponuđenih 50.284,04 KM bez uračunatog PDV-a, odnosno 58.832,33 KM sa uračunatim PDV-om i navedenom ponuđaču dodijeli ugovor o "rekonstrukciji prvog sprata, sudnice i prostorije za arhiv Općinskog suda u Goraždu" koji su bili predmet javne nabavke.

PRAVNA POUKA: Učesnici u nadmetanju koji smatraju da su u postuku javne nabavke povrijeđena njihova prava ili prekršene odredbe Zakona o javnim nabavkama u BiH (Sl. glasnik BiH" broj:39/14,59/22 i 50/24) imaju pravo žalbe u skladu sa članovima 99. i 101. Zakona o javnim nabavkama u BiH ("Službeni glasnik BiH" broj: 39/14, 59/22 i 50/24) odnosno u roku od 5 (pet) dana počev od dana prijema iste. Žalba se izjavljuje Kancelariji za razmatranje žalbi putem Općinskog suda u Goraždu u pisanoj formi direktno, ili preporučenom poštanskom pošiljkom.


PREDSJEDNICA SUDA

Lejla Ferhatović